

8 - Llanefydd i Lansannan 4.5 milltir/7.2 km

Gadewch y pentref a dilynwch eich camau yn ôl tuag at y llwybr troed wrth yr eithin. Trowch i'r dde ac ewch dros y gamfa. Ewch yn lletraws ar draws y cae tuag at y ffens ac at giât. Yn awr, ewch yn lletraws i'r chwith at gamfa ac yna dilynwch y llwybr gyda chyfeirbwyntiau, gan basio uwch ben fferm Derm. Arhoswch i fyny ar ochr y bryn uwch ben yr eithin a phasio coedwig fechan ar y chwith i ddilyn llwybr i lawr at y giât a grid gwartheg. Cerddwch ar hyd ffordd fynedfa'r fferm, drwy giât arall gyda grid gwartheg i'r ffordd, a throi i'r dde.

Yn Hafodty trowch i'r chwith drwy giât gyferbyn. Cerddwch i lawr y llwybr gyda'r ffens ar eich ochr chwith. Yn y cae nesaf ewch yn lletraws i'r chwith at gamfa gerllaw cornel chwith y cae. (Mae'r gamfa hon wedi'i chuddio ar hyn o bryd gan goeden sydd wedi cwmpo). Croeswch dros y gamfa a pharhau gyda'r ffens ar eich ochr dde. Dilynwch y llwybr gyda'r cyfeirbwyntiau ac yn y pen draw byddwch yn mynd yn lletraws i lawr at gamfa yng nghornel bellaf y cae. Croeswch hon i ymuno â thrac concrit y fferm at y lôn. Ewch dros y Grid Gwartheg i droi i'r dde i lawr yr allt.

Ar ôl 50 metr cymerwch y llwybr troed ar y chwith i lawr dros gamfa ac ar draws y nant. Pasiwch yn syth o flaen Cae'r Groes a, gan anwybyddu'r llwybr sy'n mynd i ffwrdd i'r chwith, ewch i lawr at y lôn. Ewch yn syth ar draws i fynd dros y gamfa ar y dde cyn y bwthyn. Ewch i lawr i groesi'r bont droed dros yr afon. Trowch i'r chwith i gerdded ar hyd y llwybr gyda'r nant ar eich ochr chwith a'r gwrych ar eich ochr dde. Pasiwch o flaen y tŷ i fynd drwy'r giât ar y dde ac ymlaen i'r ffordd fynediad, sydd yn y diwedd yn troi'n ffordd darmac, at y lôn. Trowch i'r chwith dros y ddwy bont i mewn i gymuned Rhyd yr Arian.

Cerddwch heibio'r blwch ffôn dros bont arall i gymryd y llwybr troed yn syth ar eich ochr dde er mwyn ail groesi'r afon. Rydych yn awr ar Daith Clwyd eto a dilynwch y trac yma i fyny drwy'r coed. Wrth i chi gyrraedd y top, mae'r llwybr yn gadael y trac i fynd o flaen a heibio i'r byngalo at drac arall. Dilynwch hwn i lawr i groesi'r afon unwaith eto. Yn syth ar ôl croesi'r afon cymerwch y trac ar y dde at gamfa sydd ochr yn ochr â giât. Dilynwch y trac yma drwy gyfres o gatiâu neu dros gamfeydd nes yn y pen draw byddwch yn cyrraedd y ffordd Trowch i'r dde i bentref Llansannan.